

## საარჩევნო ბლოკის - „ბაქრაძე, უგულავა - ევროპული საქართველო“

### წესდება

#### მუხლი 1. საარჩევნო ბლოკის სახელწოდება

საარჩევნო ბლოკის სახელწოდებაა - „ბაქრაძე, უგულავა - ევროპული საქართველო“.

#### მუხლი 2. საარჩევნო ბლოკში გაერთიანებული პარტიების ჩამონათვალი

საარჩევნო ბლოკში გაერთიანებულნი არიან საქართველოს ცენტრალური საარჩევნო კომისიის მიერ რეგისტრირებული შემდეგი პარტიები:

1. მოქალაქეთა პოლიტიკური გაერთიანება „ევროპული საქართველო - მოძრაობა თავისუფლებისთვის“ (რომელმაც 2017 წლის საქართველოს ადგილობრივი თვითმმართველობის არჩევნებისათვის საარჩევნო რეგისტრაცია გაიარა სახელწოდებით „ბაქრაძე, უგულავა - ევროპული საქართველო“);

2. მოქალაქეთა პოლიტიკური გაერთიანება „მოძრაობა თავისუფალი საქართველოსთვის“.

#### მუხლი 3. საარჩევნო ბლოკის ხელმძღვანელი თანამდებობის პირი და მისი უფლებამოსილება

1. საარჩევნო ბლოკის ხელმძღვანელი პირია: უგულავა გიორგი,  
საქართველო, ქალაქი

2. გიორგი უგულავას, როგორც საარჩევნო ბლოკის ხელმძღვანელის უფლებამოსილების ფარგლები შეუზღუდავია და მას უფლება აქვს განახორციელოს საქართველოს საარჩევნო კოდექსით საარჩევნო ბლოკისათვის და მისი ხელმძღვანელისათვის მინიჭებული უფლებამოსილება, დამოუკიდებლად, ინდივიდუალურად და ერთპიროვნულად.

მუხლი 4. საარჩევნო ბლოკის მიერ გადაწყვეტილებათა მიღების წესი, მათ შორის ბლოკში ახალი პარტიის მიღების, ბლოკიდან პარტიის გასვლისა და გარიცხვის, ბლოკის მიერ წარმომადგენლობითი ორგანოს წევრობის კანდიდატთა წარდგენისა და წარდგენის გაუქმების წესები

1. საარჩევნო ბლოკში „ბაქარაძე, უგულავა - ევროპული საქართველო“ გადაწყვეტილებები მიიღება მისი წევრების (მოქალაქეთა პოლიტიკური გაერთიანებების „ევროპული საქართველო - მოძრაობა თავისუფლებისთვის“ და „მოძრაობა თავისუფალი საქართველოსთვის“) ერთობლივად შეთანხმებული ზეპირი გადაწყვეტილებით. საარჩევნო ბლოკის სახელით (საარჩევნო ბლოკის ხელმძღვანელი პირის მიერ ხელმოწერილი) ცესკოსა და სხვა ორგანოში წარდგენილი დოკუმენტი იმავდროულად ითვლება ბლოკში გაწევრიანებული პარტიების ერთობლივ გადაწყვეტილებად.

2. საარჩევნო ბლოკში ახალი პარტიის მიღებაზე გადაწყვეტილებას იღებენ პოლიტიკური გაერთიანებების „ევროპული საქართველო - მოძრაობა თავისუფლებისთვის“ და „მოძრაობა თავისუფალი საქართველოსთვის“ ხელმძღვანელი პირები.

3. საარჩევნო ბლოკიდან გასვლა ნებაყოფლობითია, რომელიც გასვლის სურვილის მქონე სუბიექტის მხრიდან წერილობითი ფორმით უნდა ეცნობოს საარჩევნო ბლოკს და საქართველოს ცენტრალურ საარჩევნო კომისიას.

4. საარჩევნო ბლოკიდან ბლოკში შემავალი პარტიის გარიცხვაზე გადაწყვეტილებას იღებს საარჩევნო ბლოკის ხელმძღვანელი პირი.

5. საარჩევნო ბლოკის მიერ წარმომადგენლობითი ორგანოს წევრობის კანდიდატთა წარდგენასა და წარდგენის გაუქმებაზე გადაწყვეტილებას იღებს საარჩევნო ბლოკის ხელმძღვანელი პირი.

მუხლი 5. საარჩევნო ბლოკის დოკუმენტაციაზე ხელმოწერის უფლების მქონე პირი

საარჩევნო ბლოკის დოკუმენტაციაზე ხელმოწერის უფლებამოსილება მინიჭებული აქვს საარჩევნო ბლოკის ხელმძღვანელ პირს - გიორგი უგულავას,

ტელეფონის ნომერი:

მუხლი 6. საარჩევნო ღონისძიებებთან დაკავშირებით საარჩევნო ბლოკში გაერთიანებული ერთ-ერთი პარტიის ბეჭდის გამოყენების წესი

საარჩევნო ბლოკის ყველა სახის დოკუმენტაციაზე უფლებამოსილი პირის ხელმოწერა დამოწმებული იქნება მოქალაქეთა პოლიტიკური გაერთიანების „ევროპული საქართველო - მოძრაობა თავისუფლებისთვის“ მრგვალი ბეჭდით, ის დაესმება მოქალაქეთა პოლიტიკური

გაერთიანება „ევროპული საქართველო - მოძრაობა თავისუფლებისთვის“ სატიტულო ფურცელს და სხვა სახის საარჩევნო დოკუმენტაციის ფორმებს.

#### მუხლი 7. საარჩევნო ბლოკის საარჩევნო კამპანიის ფონდის ანგარიშის განსაზღვრა

საარჩევნო ბლოკი „ბაქრაძე, უგულავა - ევროპული საქართველო“ საარჩევნო კამპანიის ფონდის ანგარიშად გამოიყენებს მოქალაქეთა პოლიტიკური გაერთიანების „ევროპული საქართველო - მოძრაობა თავისუფლებისთვის“ კომერციულ ბანკში არსებულ საბანკო ანგარიშს (პარტიის საარჩევნო კამპანიის ფონდის საბანკო ანგარიშს), საარჩევნო კამპანიის პერიოდში, ფონდიდან ხარჯების გაწევის მიზნით.

#### მუხლი 8. საარჩევნო კამპანიის ხარჯებზე პასუხისმგებელი პირების, მმართველისა და ბუღალტრის დანიშვნის წესი

საარჩევნო ბლოკის სახელით, საარჩევნო კამპანიის ხარჯებზე პასუხისმგებელი პირია საარჩევნო კამპანიის ფონდის მმართველი და ფონდის ბუღალტერი, რომლებიც ინიშნებიან საარჩევნო ბლოკში გაწევრიანებული პარტიების ხელმძღვანელთა ერთობლივი ზეპირი გადაწყვეტილებით.

საარჩევნო კამპანიის ფონდის მმართველი: გიორგი უგულავა.

საარჩევნო კამპანიის ფონდის ბუღალტერი: ნინო გოგოლიძე,  
მისამართი: საქართველო, ქალაქი

#### მუხლი 9. არჩევნებში მონაწილეობისთვის რიგითი ნომრის განსაზღვრის საკითხი

2017 წლის ადგილობრივი თვითმმართველობის ორგანოების არჩევნებში, საარჩევნო ბლოკი „ბაქრაძე, უგულავა - ევროპული საქართველო“ ისარგებლებს რიგითი ნომრით - 2, რომელიც მოქალაქეთა პოლიტიკურმა გაერთიანებამ „ევროპული საქართველო - მოძრაობა თავისუფლებისთვის“ აირჩია რიგით ნომრად საქართველოს საარჩევნო კოდექსის 145-ე მუხლის შესაბამისად.

#### მუხლი 10. საარჩევნო ბლოკის წესდებაში ცვლილების შეტანის წესი

საარჩევნო ბლოკის წესდებაში ცვლილების შეტანა განხორციელდება მისი მიღებისათვის დადგენილი წესით - მოქალაქეთა პოლიტიკური გაერთიანებების „ევროპული საქართველო - მოძრაობა თავისუფლებისთვის“ და „მოძრაობა თავისუფალი

საქართველოსთვის“ ხელმძღვანელი თანამდებობის პირების მიერ ხელმოწერილი დოკუმენტით.

გიორგი უგულავა

მოქალაქეთა პოლიტიკური გაერთიანების „ევროპული საქართველო - მოძრაობა თავისუფლებისთვის“ გენერალური მდივანი



ხათუნა ქოიავა

მოქალაქეთა პოლიტიკური გაერთიანების „მოძრაობა თავისუფალი საქართველოსთვის“ თავმჯდომარე

